



KENYATAAN / SIARAN AKHBAR

Untuk maklumat lanjut sila hubungi:
**Bahagian Komunikasi Korporat
Perbadanan Putrajaya**
Tel: 03-8887 7033 Faks: 03-8881 1008

KERJA UNDI BANTU PULIH EKONOMI KONTRAKTOR KECIL PUTRAJAYA

PUTRAJAYA, 26 JULAI 2022: Ketua Setiausaha Kementerian Wilayah Persekutuan, YBhg. Datuk Seri Hajah Rosida Binti Jaafar hari ini menyempurnakan Majlis Cabutan Kerja Undi Perbadanan Putrajaya (PPj) bertempat di Dewan Seri Melati, Kompleks PPj, Presint 3.

Objektif penganjuran Majlis Cabutan Kerja Undi ini adalah bagi mempercepatkan pelaksanaan kerja selain membantu kontraktor-kontraktor bumiputera kelas G1 di Wilayah Persekutuan Putrajaya menjana semula ekonomi yang terjejas akibat penularan pandemik COVID-19.

Majlis Cabutan Kerja Undi ini merupakan kali kedua dianjurkan susulan Cabutan Kerja Undi peringkat pertama yang berlangsung pada 29 Mac 2022 yang melibatkan nilai peruntukan berjumlah **RM1,297,982.60** dengan **32** jumlah kerja. Nilai peruntukan bagi kerja undi peringkat kedua ini dianggarkan berjumlah **RM1,016,437.72** dengan jumlah kerja-kerja kecil sebanyak **44**.

Setiap tahun, Perbadanan Putrajaya memperuntukkan sejumlah dana bagi pelaksanaan kerja-kerja penyelenggaraan dan pembaikan di seluruh Putrajaya. Peruntukan ini adalah termasuk pelaksanaan perolehan kerja-kerja *requisition*, iaitu kerja-kerja kecil atau pembaikan yang tidak mengubah struktur asal bangunan. PPj menganggarkan lebih **300** kerja-kerja kecil dicadang untuk dilaksanakan pada tahun ini yang melibatkan peruntukan berjumlah **RM9,000,000.00**.

Bagi pelaksanaan kerja undi ini, PPj masih mengambil pendekatan sejajar dengan tatacara perolehan semasa di mana kerja undi yang ditawarkan bernilai RM50 ribu dan ke bawah. Secara tidak langsung, lebih banyak kerja undi dapat ditawarkan dan lebih ramai kontraktor kecil yang akan mendapat peluang. Pengagihan kerja melalui kaedah ini juga dilihat sebagai lebih telus dan saksama selain berpotensi merancakkan semula rantai ekonomi yang terhasil daripada aktiviti infrastruktur dan pembinaan.

PPj juga menyeru kontraktor-kontraktor yang berjaya dalam sesi undian ini untuk sentiasa mempamerkan prestasi yang cemerlang dan memastikan kerja-kerja diselesaikan mengikut tempoh masa dan spesifikasi yang telah ditetapkan. Prestasi yang mereka tunjukkan bakal memberikan impak yang besar dan merupakan cerminan kepada imej serta profil bandar raya ini.

Pihak kontraktor diharapkan lebih tekun dan berinovasi dalam meningkatkan kemahiran dan pengetahuan terutamanya dalam industri pembinaan seiring dengan perkembangan teknologi dan pèredaran zaman.



TPr. NORZITA BINTI ABDUL RAZAK

Pengarah

Komunikasi Korporat

Perbadanan Putrajaya

Tarikh  Julai 2022

Keterangan lanjut berhubung siaran media ini, sila hubungi Pegawai Media PPj, Encik Mohamad Rohaizat bin Kasman di talian 017-3132590 dan Encik Mohd Fairus Bin Mohd Padzil di talian 019-3354346.